

四庫

全書

四庫全書

全書

第九四六冊

四庫全書

● 上海古籍出版社

本冊目次

玉

海（四）

宋王應麟撰……………一

欽定四庫全書

子部
玉海卷一百十一

詳校官中書臣張經田

主事臣祁韻士覆勘

總校官進士臣朱鈐

校對官助教臣金學詩

謄錄監生臣曹錫瓚

欽定四庫全書

玉海卷一百十一

宋 王應麟 撰

學校

學校

上 辟雍

古者聖王設學校以教民由家及國大小有序民無不入其中而受學焉所以教之之具則因其天賦之秉彛為之品節以開導而勸勉之學之既成又與其

欽定四庫全書

玉海
卷一百十一

賢能實之列位此先王學校之官所以為政事之本道德之歸不可一日廢也後世學校之設雖不異乎先王之時然其教與學皆忘本逐末懷利去義無復先王之意名雖在而實不舉遂以學校為虛文而無與於道德政理之實

五帝成均 見後

文王世子注董仲舒曰五帝名大學曰成均則虞庠近是也 疏春秋繁露云成均為五帝之學 大司樂疏堯已上當代學亦

各有名無文可知但五帝總名咸均當代則各有別稱謂若三代天子學總名曰辟雍當代各有異名也 三禮義宗自虞以上其名及制典籍所不詳

虞上庠 下庠 周虞庠 魯米廩

王制有虞氏養國老於上庠養庶老於下庠周人養國老於東膠養庶老於虞庠虞庠在國之西郊注學名異者四代相變或上西或上東或貴在國或貴在郊上庠右學大學也在西郊 以虞殷併言 下庠左學小學也在國中

欽定四庫全書

王制卷一百一十一

二

王宮之東庠之言養也周之小學為有虞氏之庠制是以名庠云其立鄉學亦如之疏以學教孝悌之處於中養老虞殷尚質貴取物成故大學在西小學在東周小學為庠制者庠則後有室前有堂若夏后氏之序及周之學所在序者皆與庠制同其州黨之序則歇前而已序則豫也鄉學亦為庠制者老皆朝於庠是也 養老虞以燕禮皇而祭深衣而養老 文王世子書在上庠祭義注四學謂周四郊之虞庠 明堂位米廩有虞

氏之庠也庠者言詳也於是以致禮詳事也魯謂之米廩虞帝尚孝魯以藏菜盛之委焉 虞書變命汝典樂教胄子 北史邢劭曰二黷兩學盛自虞殷養黃髮而詢哲言有青衿而敦典教 三禮義宗虞氏之學名庠庠養也所以養國之子弟使成雋德虞殷貴在近郊故大學在西教學之道貴在成德西方成就之鄉周制但西郊置虞庠小學而已 禮司几筵疏大射在虞庠 二典未有學字而先有教字

欽定四庫全書

王制卷一百一十一

三

夏東序 西序 夏校

王制夏后氏養國老於東序養庶老於西序注東序亦大學在國中王宮之東西序亦小學也在西郊疏夏周貴文取積漸長養故大學在東小學在西西序在西郊周立小學於西郊是也 養老夏以饗禮收而祭燕衣而養老 月令仲春注將舞必釋菜於先師以禮之夏小正曰丁亥萬用入學 文王世子學干戈羽籥於東序疏周立三代之學謂立虞夏殷學也虞之學制在國

兼在西郊則周之小學也夏殷之學亦在國鄭注儀禮云周立四代之學於國合周家為言耳夏后氏之學在上庠即周之大學為夏之制也明堂位序夏后氏之序也注次序王事也孟子夏曰校校者教也漢儒林傳夏曰校鄉飲酒疏虞之庠周以為鄉學夏之序周以為州黨之學夏序有室周州黨序無室三禮義宗夏學名序者次序先王之道而學之夏周貴在於國故大學在東教國子弟使之長益東方陽位有生長

欽定四庫全書

卷一百一十一

四

之道故貴在宮之左周又以夏序為六逆之學夏殷謂之秀士周禮謂之賢能

殷右學 左學 瞽宗 小學 大學 殷序

殷庠 辟廱

王制殷人養國老於右學養庶老於左學注右學大學在西郊左學小學也在國中王宮之東疏殷尚質貴取物成故大學在西周大學在國之西郊鄭駁異義云三靈一雍在郊者熊氏云文王之時猶從殷禮故辟廱大

學在郊劉氏以為周之小學為辟廱在郊養老殷以食禮嘏而祭編衣而養老六十養於國七十養於學注國國中小學在王宮之左學大學也在郊小學在國中大學在郊此殷制明矣疏貴右而賤左小學在國中左也大學在郊右也與殷同天子命之教然後為學小學在公宮南之左大學在郊注此殷之制天子曰辟廱明和諸侯曰類宮班政教尊卑異名注此小學大學殷之制疏左學小右學大故知殷制樂正崇四術注尚書傳曰年十

欽定四庫全書

卷一百一十一

五

五始入小學十八入大學文王世子禮在瞽宗明堂位瞽宗殷學也注樂師瞽矇之所宗也古者有道德者使教焉樂祖於此祭之孟子殷曰序序者射也

漢儒林傳太常臧等議曰三代之道鄉里有教夏曰校殷曰庠周曰序建首善自京師始三禮義宗殷學為瞽宗者

宗尊也瞽無見之稱譬童蒙無有所識又樂官也武王之時猶從殷法立學故小學在東左射經首小右射齔虞自殷以前王者之學無辟廱類宮之名詩疏王

制以殷之辟雍與大學為一

周四學 小學 五學 中學 三代學 四

代學 周庠 鄉學 東膠 虞庠 大學

周序 東塾

文王世子文王之為世子也凡學世子及學士必時春

夏學干戈干戈之舞象武也秋冬學羽籥羽籥之舞象

之時皆於東序正義皆年二小樂正學干小樂正大胥

贊之贊之籥師學籥師丞贊之四人皆樂官之屬胥鼓南或云二

欽定四庫全書五十一

夷之樂也春誦夏弦誦謂歌樂也弦謂以絲播持樂

馬大師詔之誓宗秋學禮執禮者詔之冬讀書典書者

詔之禮在誓宗書在上庠注陽用事則學聲陰用事則

學事周立三代之學學書於有虞氏之學典謨之教所

由興也學舞於夏后氏之學文武中也學禮樂於殷之

學功成治定與已同也疏云周立虞夏殷學學書於虞

氏之學虞書有與有謨故就其學中而教之則周之小

學也夏后氏上受舜禪是文下有湯武是武以此二者

之間故云文武中以兼有文武舞也學禮於殷學以革

命相似案下養老於東序是周之大學夏東序也王制

養老於虞庠是周之小學虞庠也凡祭與養老乞言

合語之禮皆小樂正詔之於東序合語謂卿射飲酒

樂正學舞干戚語說命乞言皆大樂正授數篇數疏小

儀事漢大樂正大司成論說在東序大司成司徒之屬

師氏中大夫凡侍坐於大司成者遠近間三席可以

問終則負牆列事未盡不問注席之制廣三尺三凡大

欽定四庫全書五十一

合樂必逆養老凡語于郊者必取賢斂才焉或以德進

或以事舉或以言揚注大樂正論進士之秀者曲藝皆

誓之以待又語三而一有焉乃進其等以其序謂之郊

人遠之於成均大司成均之法以及取爵於上尊也注董仲

帝名大學曰成均則虞庠近是也天子飲始立學者既

酒於虞庠則鄉人亦得酌於上學以相旅立興

獻無介語可也言乃退謂得立三代之學者釋菜於虞

疏語于郊西郊也周以虞庠為小學在西郊今天子親

視學於西郊考課論說成均則虞庠也上尊堂上之酒
尊天子於成均之內飲酒以恩澤被及於此郊人郊人
雖賤亦得取爵於堂上之尊以相旅也所以榮之董仲
舒為春秋繁露云成均為五帝之學虞庠是舜學以無
正文故云近是釁器以下皆據諸侯之禮諸侯得有夏
之東序謂諸侯有功德者得立三代學若魯之比東序
與虞庠相對東序在東虞庠在西既退廩于東序明釋
菜在於虞庠皇氏云尋常視學則養老於東膠若始立
欽定四庫全書
學則養老於東序以為周立三代之學又立周之大學
於東謂之東膠立小學於西郊謂之虞庠行一物而
三善皆得者惟世子而已其齒於學之謂也故世子齒
於學國人觀之曰將君我而我齒讓何也曰有父在
則禮然然而衆知父子之道矣其二曰將君我而我
齒讓何也曰有君在則禮然然而衆著於君臣之義也
其三曰將君我而我齒讓何也曰長長也然而衆知
長幼之節矣故父在斯為子君在斯謂之臣居于與臣

欽定四庫全書

卷一百一十一

九

之節所以尊君親親也故學之為父子焉學之為君臣
焉學之為長幼焉父子君臣長幼之道得而國治語曰
樂正司業父師司成一有元良萬國以貞世子之謂也
祭義食三老五更於太學所以教諸侯之弟也祀先
賢於西學所以教諸侯之德也
西學周小學也先賢有道德王所使教國子者
疏周之小學在西郊
王制云虞庠是也
食三老五更於太學天子袒而割
牲執爵而饋執爵而酌冕而總干所以教諸侯之弟也
天子設四學
注四學謂周四郊之虞庠當入學而太子疏皇氏云四郊皆有虞庠
齒疏謂設四代之學周學殷學夏學虞學也虞庠為小
學設置於四郊據周言之當入學之時而太子齒於國
人王制樂正崇四術立四教順先王詩書禮樂以造
士春秋教以禮樂冬夏教以詩書
注樂正樂官之長掌國子之教尚書傳曰年十五始入小學十八入大學詩學者詩也
也書禮者事陰也其術相成疏書傳者說文王太子王
子羣后之太子卿大夫元士之道子國之俊選皆造焉
凡入學以齒
注皆以長幼受學不用尊卑疏長幼受學雖王太子亦然文王世子云齒讓
習禮皆於大學疏禮在瞽宗殷之大學也若周則大學

曰東膠餘子十八入大學嫡子二十八入大學皆殷法也

若周法立大學在公宮之左

即東膠

又立小學於西郊

即西膠

其習書於虞學習禮樂於殷學習舞於夏學故文王

世子云詩則無文鄭注云弦謂以絲播詩則習詩亦在

瞽宗至二十八入大學之時仍於大學之中兼習四術是

周之大學亦習禮也疏又云按尚書周傳云王子公卿

大夫元士之適子十三入小學二十八入大學又書傳畧

說餘子十五入小學十八入大學 周人養國老於東

欽定四庫全書

玉海

卷一百一十一

十

膠養庶老於虞庠虞庠在國之西郊注東膠大學在國

中王宮之東虞庠亦小學也周立小學於西郊膠之言

糾也庠之言養也周之小學為有虞氏之庠制是以名

庠云其立鄉學亦如之

膠或作綠

疏夏周貴文皆上東庠則

後有室前有堂

周人冕而祭玄衣而養老

學記國有學疏國謂天

子所都及諸侯國中周禮天子立四代學教世子及羣

后之子及卿中俊選所升之士而尊魯亦立四代學餘

諸侯於國但立時王之學 大學始教皮弁祭菜示敬

道也宵雅肄三官其始也入學鼓篋孫其業也未卜禘

不視學游其志也時觀而弗語存其心也幼者聽而弗

問學不躐等也此七者教之大倫也

熊氏云始教

樂

記武王射郊

為射宮於郊

左射狸首

東學在王宮之左

右射鴈虞

學

也 食三老五更於大學注周名大學曰東膠 禮夏官

諸子春合諸學秋合諸射注學大學射射宮也疏大學

在國中即夏東序在王宮之左也射宮即國之小學在

西郊則虞庠是也 孟子周曰庠

鄉學也

庠者養也學

國

欽定四庫全書

玉海

卷一百一十一

十一

也則三代共之所以明人倫 漢儒林傳周曰序 三

禮義宗自虞至周凡四代之學虞夏及殷各立其學周

則兼而立之有虞大學為上庠小學為下庠夏后氏大

學為東序小學為西序殷大學為右學小學為左學周

大學為東膠小學為虞庠此四代之學名也

周四郊之

是四郊之一故亦謂之四

郊惟立一小學於西郊

但王者相變是以立學之名

虞庠西郊

互有不同至於為學之制凡有二義一學之制與明堂

同體五室四堂共一基之上東堂謂之東學南堂謂之

同體五室四堂共一基之上東堂謂之東學南堂謂之

南學西堂謂之西學北堂謂之北學中央謂之大學二義云凡立學之法有四郊及國中在東郊謂之東學南郊謂之南學在西郊謂之西學在北郊謂之北學在國中謂之大學故鄭注祭義云周有四郊之虞庠也禮保傳篇曰帝入東學尚親而貴仁入西學尚賢而貴位入南學尚齒而貴德入北學尚貴而貴爵入大學承師而問道故魏文侯孝經傳云大學者中學也帝入學者皆謂養老之時故王制養國老於上庠養庶老於下庠夏

欽定四庫全書

五
海
卷一百一十一

十三

養國老於東序養庶老於西序殷養國老於右學養庶老於左學周養國老於東膠養庶老於虞庠此四代養老之法故言尚親貴賢尚齒尊爵之義也庠之言養也序者次序也明次序先王之道而學之瞽宗學官也膠之言糾也所以糾錄學士使成其德然天子之學者所以行禮樂宣德化於天下使之成德又養三老五更與諸侯行禮之處謂之辟雍辟雍者蓋圓若壁墜之以水取流而無極使學者進德而不已亦謂辟者明也雍者

和也明此學中非但教學亦所以明政教故王制曰天子之學曰辟雍諸侯之學曰泮宮然置學之處四代不同或尚於西或尚於東或貴在國或貴在郊此隨代取法故所尚不等是以鄭注王制曰上庠右學大學也在西郊下庠左學小學也在國中東序東膠亦大學也在國中王宮之東西序虞庠亦小學也在西郊虞商貴在於郊故大學在西夏周貴在於國故大學在東周人立小學於西謂之虞庠者以其制似有虞之學故因以名

欽定四庫全書

五
海
卷一百一十二

十三

武王之時猶從殷法小學在東及周公制禮移小學在西然則周之制法凡有五學但立三代之大學而不立三代之小學所以知其然者文王世子云學舞於東序學禮於瞽宗學書於上庠此大學也皆是三代之大學而無下庠西序小學之文王制云周人養國老於東膠養庶老於虞庠此其二學故云有五學周之虞庠在西郊者祭義云祀先賢於西學所以教諸侯之德也鄭注云西學周小學也似有虞之庠制故云虞庠在西郊然

則周制凡五學

儀禮注

鄉射禮

周立四代之學於國而

又以有虞氏之庠為鄉學鄉飲酒義曰主人迎賓于庠

門外是也庠之制有堂有室 劉敞曰周立四代之學

者一處並建四學周人辟廡居其中其北為虞學其東為

夏學其西為殷學學羽子者就東序學禮者就瞽宗學

書者就庫序辟廡唯天子養老及出師成謀受俘大射

等就焉又以虞序建於鄉故鄉有庠以夏序建於州故

州有序以殷校建於黨故黨有校自黨以下皆為小學

欽定四庫全書

卷一百一十一

十四

而非四代之制以教童子而已大學在郊以其包四代

之制故記禮者或指庠序或指東序名之 禮象曰辟

廡居其中其南為成均北為上庠東為東序西為瞽宗

漢祭祀志注蔡邕明堂論曰東序東之堂也學者詔焉

故稱大學禮記大學志曰云云 大戴禮注白虎通曰八

歲入小學十五入大學此太子之禮尚書大傳曰公卿

之太子大夫元士適子十三入小學二十入大學此王

子入學之期內則曰十年就外傳謂公卿以下教子於

家也詩靈臺疏大戴禮盛德篇云明堂外水名曰辟廡政穆篇稱大學明堂之東序

周辟廡 西廡 辟池

詩靈臺於論鼓鍾於樂辟雍

文王注

水旋立如壁曰辟

雍以節觀者

蔡邕云水廣二十四丈四周於外

正義辟雍即天子太學

也靈臺辟雍皆在郊周立三代之學虞庠在國之西郊

則周以虞庠為辟廡矣 文王有聲鎬京辟廡

武王注

武王於鎬京行辟雍之禮 思齊雖雖在宮肅肅在廟

欽定四庫全書

卷一百一十一

十五

不顯亦臨無射亦保筮宮謂辟雍宮也羣臣助文王養

老則尚和助祭於廟則尚敬文王之在辟雍雖有賢才

之質而不明者亦得觀禮無射才者亦得居位 振鷺

于飛于彼西雝

先儒謂辟雍在西郊故曰西雝

王制天子曰辟雍諸

侯曰頍宮 明堂位頍宮周學也 禮統辟雍圓如壁

壘以水內如覆外如偃盤 大戴禮盛德篇明堂外水

曰辟雍 莊子文王有辟雍之樂 白虎通辟者象壁

圓以法天雍者壘之以水象教化流行

禮記明堂陰陽錄水左旋以象

天 史記封禪書豐滿有天子辟池索隱曰即周天子

辟雍之地正義曰周文武豐鄠皆置辟雍故秦立祠

漢郊祀志周公相成王王道大洽制禮作樂天子曰明

堂辟雍諸侯曰頌宮

此在成王時

三輔黃圖文王辟雍在

長安西北四十里亦曰璧雍戰國策序周自文武設

辟雍泮宮庠序之教 蔡邕月令論清廟太廟明堂大

學辟雍異名而同事 五經通義辟雍養老敷學之所

也 詩正義鄭氏駁異義云韓詩說辟雍天子之學園

欽定四庫全書

卷一百一十一

五

如璧雍之以水所以教天下春射秋饗尊事老更在南

方七里之內立明堂於中左氏說天子靈臺在大廟之

中靈之以靈沼謂之辟雍主按辟雍及三靈

臺周

皆同

處在郊

正義又曰周制大學在國大

學雖在國而辟雍仍在鄉 袁準正論云辟雍

大射之處 後漢書注韓詩薛君章句曰西雍文王之

雍也言文王之時辟雍學士皆潔白之人也 禮器疏

天子以小學為辟雍 朱氏曰振鷺之詩說者以靡為

澤蓋即旋丘之水而其學即所謂澤宮孟子謂序者射

也學蓋有以射為主者蘇氏引莊周云云以辟雍亦為樂

名古人以樂教胄子則又以為習樂之所張子曰古無

此名制始於此及周有天下遂以名天子之樂而諸侯

不得立焉

周成均 五帝成均 見上

文王世子郊人遠之於成均以及取爵於上尊也注董

仲舒曰五帝名大學曰成均則虞庠近是也 禮大司

樂

中大夫

掌成均之法以治建國之學政而合國之子

欽定四庫全書

卷一百一十一

五

弟馬凡有道有德者使教焉死則以為樂祖祭於瞽宗

以樂德樂語樂舞教國子注鄭司農云均調也樂師主

調其音大司樂主受此成事已調之樂玄謂董仲舒云

成均五帝之學

仲舒之語

成均之法者其遺禮可法者

國之子弟公卿大夫之子弟當學者謂之國子文王世

子曰於成均以及取爵於上尊然則周人立此學之宮

疏釋云周人以成均學之舊法式以立國之學內政教

也 樂師

下大夫

掌國學之政以教國子小舞 大胥

中士掌學士之版以待致諸子春入學舍采合舞秋頒

學合聲小胥下士掌學士之徵令而比之饋其不敬

者籥師掌教國子舞羽敔籥易氏曰成者成其行

之虧均者均其習之偏五帝即此以名學成周因之以

為教成均者教人之名充之為道德者教人之實出於

性分為樂德形於聲歌為樂語見於發揚蹈厲為樂舞

教國子弟必命大司樂者樂之入人易感人深使人

鼓舞其中遷善而不自知有虞命夔典樂教胄子王制

欽定四庫全書

樂正崇四術

周門開學五學學禮四學

地官師氏教國子三德至敬三行孝友居虎門之左司王

朝路寢使其屬守王之門外中門之外北史劉芳傳

氏居虎門左令之保氏教國子六藝六儀使其屬守

祭酒則周師氏王闡注宮中之巷門冬官匠人闡門容小局參个注

廟中之門曰闡大戴禮保傅篇學禮曰賈誼傳及帝

入東學上親而貴仁則親疎有序而恩相及矣帝入南

學上齒而貴信則長幼有差而民不誣矣帝入西學上

賢而貴德則聖智在位而功不遺矣帝入北學上貴而

尊爵則貴賤有差而下不踰矣帝入太學承師問道退

習而考一作端於太傅太傳罰其不則而達其不及則德

智長而治道得矣三禮義宗引禮保傅此五學者既成

於上而百姓黎民化輯於下矣學成治就此殷周之所

以長有道也成王年十三即位十五亦入學八歲出就

外舍注小學謂庠門虎闕師保之學也文選王元長

欽定四庫全書

曲水詩序入虎闕而齒胄注翰曰虎闕教國子之學所

也公卿之子為胄子太子入學以年大小為次故曰齒

胄李善曰蔡邕明堂月令論曰周官有門闡之學周禮

師氏以三德教國子居虎門之左漢祭祀志注蔡邕

明堂論曰明堂者天子太廟朝諸侯選造士於其中以

制度生者乘其能而至死者論其功而祭故為大教之

官而四學具焉取其宗祀之清則曰清廟取其正室之

其四門之學則曰太學取其四面周水園如壁則曰辟雍異名而同事其實一也易傳太初篇曰云云禮記保傅篇曰云云與易傳同魏文侯孝經傳曰太學者中學明堂之位也禮記古大明堂之禮曰膳夫是相禮日中出南闕見五侯門子日側出西闕視五國之事日闕出北闕視帝節猶爾雅曰宮中之門謂之闕王居明堂之禮又別陰陽門南門稱門西門稱闕故周官有門闕之學師氏教以三德守王門保氏教以六藝守王闕然則師氏居東門

欽定四庫全書

玉海
卷一百一十一

五

南門保氏居西門北門知掌教國子與易傳保傅王居明堂之禮參相發明為四學焉文王世子篇曰東序云云禮記太學志曰禮士大夫學於聖人善人祭于明堂其無位者祭于太學禮記昭穆篇曰祀西賢于西學所以教諸侯之德也即所以顯行國禮之處也太學明堂之東序也皆在明堂辟雍之內樂記曰武王伐殷為俘馘于京太室太室辟雍之中明堂太室也與諸侯泮宮俱獻馘此皆明堂太室辟雍太學事通合之義也其制度

數各有所法 三禮義宗內則云人君之子十年出就外傳傳者教學之官文王世子云立大傅少傅以養之然則未入學時已有傅矣是以內則云出就外傳謂就外室而受教也外室在虎門之左師氏之旁而築宮焉即謂異宮也至年十三則入小學小學者周則西郊之虞庠十五則入大學謂入於東膠之等入小學之時則大傅在前少傅在後當入學之時國之子弟亦從學焉至於休息還返別宮居宿出入則受師保之訓故云入

欽定四庫全書

玉海
卷一百一十一

五

則有保出則有師謂燕居出入時也教諭德成由有二傅師保之訓也師保但明德藝之術出入前後教道而已非執經者也在小學習經典皆受之於執經者入大學亦從受詩書禮樂之業至於崇尚其術皆大樂正所為鄭注父師司成則大司成也周禮則師氏之官也詩靈臺疏表準正論曰周置師保之官居虎門之側然則學宮非一處也 柳文周人置虞庠於四郊以養國老教胄子祭統曰天子設四學蓋其制也易傳太初篇

曰天子旦入東學晝入南學夕入西學暮入北學在中
央曰太學天子之所自學也蔡邕引之以定明堂之位
馬大戴禮保傳篇曰帝入東學以貴仁入南學以貴德
入西學以貴義入北學以尊爵賈生述之以明太子之
教焉故曰為大教之宮而四學具焉參明堂之政原大
教之極其建置之道弘也四門助教登記禮大宗伯注王之
故舊朋友為世子時共在學者也疏案文王世子成王
伯禽在學與學子同居又王制有王太子是為世子時

欽定四庫全書

玉海
卷一百一十一

王

共在學者也

王制主於教造士而王太子王子亦預焉文王世子主
於數世子而國之學士亦及焉

周四學

前雖已備此更排比

東膠亦曰大學王制周人養國老於東膠注東膠大
學在國中王宮之東膠或作練樂記食老更於大學
注周名大學曰東膠祭義養三老五更於大學即東膠也

或曰春東序而東序在大學中天子袒而割牲執醬而饋執爵而酌覓

而總干所以教諸侯之悌也文王世子凡學春官釋奠

于其先師秋冬亦如之凡始立學者必釋奠于先聖先

師行事必以幣凡釋奠必有合大合樂必遂養老王制

天子出征受成於學反釋奠于學以訊讖告王制疏

周立三代太學在公宮左立小學于西郊即虞庠習書

之所習禮樂于商學習舞于夏后氏之學虞庠王

制周人養庶老于虞庠虞庠在國之西郊注立小學于西郊曰虞庠

三禮義宗亦曰制似有虞氏之學文王世子凡學冬讀書典書者詔之

欽定四庫全書書在上庠祭義祀先賢于西學所以教諸侯之德也

玉海卷一百一十一周小大司樂掌成均之法以治建國之學政而合國

之子弟焉即虞庠學也文王世子凡語于郊者論說于郊學必

取賢斂才焉或以德進或以事舉或以言揚曲藝皆誓

之以待又語三而一有焉乃進其等謂之郊人遠之於

成均以及取爵於上尊也注天子飲酒於虞庠則郊人

亦得酌於上尊以相旅仲舒云五帝學曰成均虞庠近

是也東序文王世子凡養老乞言合語之禮小學

正詔之於東序大司成論說在東序天子視學大昕鼓以警衆祭先師先聖乃適東序釋奠于先老遂設三老五更羣老之位焉有司告樂闋王乃命公侯伯子男及羣吏曰反養老于東序凡學世子及學士春夏學于戈秋冬學羽籥皆在東序小樂正學于大胥贊之胥師學戈籥師丞贊之胥鼓南注學舞於夏之學文武中也始立學既釁器用幣然後釋菜不舞不授器乃退備於東序一獻無介語可也 瞽宗瞽之人所宗文王世子春誦夏弦大師詔之

欽定四庫全書

卷一百一十一

瞽宗秋學禮執禮者詔之禮在瞽宗 大司樂教國子弟凡有道有德者使教焉死則以為樂祖祭於瞽宗明堂位瞽宗殿學也 保傅篇注四學者東序瞽宗虞庠及四郊之學也 王肅云天子四郊有學去都五十里 北史劉芳傳自周已上學惟以二或尚東尚西或在國在郊爰暨周室學益有六師氏居內大學在國四小在郊禮記云虞庠在國之四郊又云天子設四學保傅篇云五學按鄭注學記周則六學所以然者注云內

則設師保以教使國子學焉外則有大學庠序之官此其證也 學誦弦於瞽宗詔論說於東序觀道德於成均考中正於王闈無一時而非學也

周鄉遂學

鄉學又見上

閭塾

夏殷黨庠

學記家有塾黨有庠術通有序國有學注古者仕焉而已者歸教於閭里朝夕坐於門門側之堂謂之塾周禮五百家為黨萬二千五百家為遂疏周禮百里之內二十五家為閭同共一巷巷首有門門邊有塾民在家之時朝夕出入常受教於塾白虎通云古之教民百里皆有師里中之老有道德者為里右師其次為左師教里中之子弟以道義孝悌仁義也黨中立學校閭中所升者遂中立學校黨學所升者書傳畧說云大夫七十致仕退老歸其鄉里大夫為父師士為少師新殺已入餘子皆入學距冬至四十五日始出學上老平明坐於右塾庶老坐於左塾餘子畢出然後皆歸夕亦如之周禮六鄉之內比閭族黨州鄉六遂之內鄰里閭鄙縣遂舉

欽定四庫全書

卷一百一十一